

## আর কত রক্ত চাই সেফাত উল্লাহ্

আর কত রক্ত চাই মা জননী!  
আর কত রক্ত চাই  
তোমার তৃষ্ণা মেটাতে?  
আর কত রক্ত চাই  
তোমার জঠর জ্বালা মেটাতে?  
বায়ান্ন থেকে অদ্যাবদি  
লাখো লাখো সন্তানের লাশ  
হজম করে ও কি তোমার  
ক্ষুধা মেটেনি?  
সাগর উপছে পড়া রক্ত পানে  
ও কি তোমার তৃষ্ণা মেটেনি?  
আরো কত সন্তানের প্রান  
বলি চাই তোমার?  
ক্ষমতার মোহে উন্মাদ  
তোমার যেসন্তানেরা তাজা  
প্রান কেড়ে নেয়!  
তারা কি তোমার কুলাঙ্গার  
সন্তান নয়?  
আর কত রক্ত পেলে তুমি  
শান্ত হবে মা জননী!  
আর কত লাশ পেলে তুমি  
শান্ত হবে রাক্ষসী মা?  
আর কতো মায়ের বুক খালি  
হলে তুমি সুখী হবে মা?  
আর কত নারী বিধবা হলে  
তোমার প্রতিশোধের নেশা  
মেটবে মা?  
আর কত কাল ধরে চলবে  
তোমার রক্তের হলি খেলা মা  
পরতে তোমায় বরন মালা?  
ত্রিশ কোটি বাঙালীর হে –  
বঙ্গ জননী ,  
রেখেছো ভূয় ধর্মের দাশ করে  
মুক্ত স্বাধীন স্বনির্ভর করনি!